

Tösstalliedli

Eusers Tösstal, eusers Tösstal
isch eu's s'liebschti uf der Wält
s'isch eus lieber no als d'Fraue
oder Gold und Guet und Gäld.

Zwüsched Hörne und em Wolfsberg
lit das Täli lieblich da
und die Töss, die rissend wildi
kännt mer sälscht in Afrika.

Jede Sunntig chömed Bsuecher
us dr Stadt und au vom Land
Eusers Tösstal und au's Hörnli
sind halt überall bekannt.

Und vom Hörnli spienzlets abe
und bestuned euser's Tal
und gar mänge dänkt im Still'ne:
det abe gani s'nächsti mal.

Ja, mir Manne us em Tösstal
händ viell Chance überall
mir sind gfröget bi de Fraue
bis 'Sizilien und Schanghai.

Südend heissi Spanierinne
lächzed nach em Tösstal-Maa
ja us allne Herre-Länder
stönd die Wiiber binis aa.

Doch mir blibed bi de Eigne
wo so sind wie euse Wy
echli wässrig, sur und sälte
guet im Nachgeschmack hinedri.

Tösstalmeitli schöni Meitli
roti Bagge, gschaffig Händ,
s'isch nu schad, dass all' die Meitli
eifach nime pure wänd.